

Casas e baghetgs

Las casas ed ils baghetgs dil liug ein enzatgei sco ina milissa locala. Da lur structuradas san ins s'orientar – ed en sut san ins è seriscuder, per cass ch'ei vegn adaquella. Aschidadir las avdonzas per glied ed animals! Ed igl ei adina bi dad ir giun nuegl e vin zona. Ils viars dils animals ein maneivel supportabels; els ein aviarts e sincers.

Per ordinari ein las casas dallas famiglias HENDRY stadas d'ina gronda schampradad. Pauc dapli ch'ils mirs dil fundament e las quater preits cun suren in tetg. Il plantschiu su dalla stiva ei vegnius afuns e dis da freid han ins magari schelau – dano datier dalla pegna scagegl. Ina buccada stebli ed entginas combras da durmir e zanua dalla vart umbrivauna la combra da carn, aschia detg cun paucs plaid. Na, da nies temps ha strusch enzatgi giu ina fueina aviarta; alluscha savens avunda tuttina ina cuschina nauscha e ses indrezs ein stai pagadus. In liug schi deplorabel che la cuschiniera ha scaldau ils mauns vid il scaldair.

Auncallura ha il caucasa scret da Buania sin il surporta dalla casa e nuotatonmeins sin la trav sur igl esch-nuegl ils bustabs gronds C + M + B, pia ils nums dils treis sogns Retgs. Autrora muntan las letras C + M + B era: *Cristus mansionem benedicat* che vul dir ch'il *Cristus benedeschi las avdonzas* da glied e biestga.

Schelu tucca ei da star tier enzatgei; dalurenneu ein ellas cheu, las casas dallas famiglias HENDRY:

Cavorgia



El Plaun sogn Leci – la casa paterna da Aluis HENDRY (1839–1899), baghegiada igl onn 1837, il pli probabel construida da Duri Vigeli HENDRY (1796–1860). Oz s'auda la casa a Nazi (Ignazi) HENDRY (1925).



Ual dasperas cun il frontispezi enviars la caplutta da sogn Leci (1690) stat la casa paterna da Onna Maria Schmet (1844–1903). Ella ei nudada cun l'annada 1812 ed appartegn a Margheta e Nazi Schmid - Hendry.



Ton sco rentada vid la casa dil Nazi Hendry (1925) ei la casa dils "Hans", Hans Giachen Monn (1891–1958) e Turtè Monn-Beer (1896–1984), vendida ad jasters da Winterthur. Ella datescha digl onn 1816 ed ei probablamein baghegiada da Vigeli Giusep HENDRY (1784–1866). Ed igl ei stau la casa paterna da Vigeli Giusep Hendry-Schmedt (1872–1955).



Vigeli Giusep Hendry (1872–1955) ei setratgs cun sia consorta Margheta Cristina Schmedt (1876–1963) enasi Cavorgia, dasperas il dutg da Vallatscha. Leu han ils consorts baghegiu igl onn 1906 lur casa, vitier la casa paterna dalla Margheta Cristina.



Sil grep dil crest ha il Giachen Martin HENDRY (1873–1935) cumprau la mesa casa davart dadora encunter sontget, la casa ch'el ha alzau e tablegiu cun slondas.

Surrein



Sep Antoni HENDRY (1835–1903) ei setratgs cun sia dunna Ottilia HENDRY (1839–1909) a Foppas/Surrein. Sia feglia Maria Cristina (1876–1939) ei semaridada cun Vigeli Beer (1873–1939) da Gonda che ei vegnius a star a Surrein/Foppas. La casa s'auda als affons dalla Maria Cristina e dil Vigeli; la Cristina (1906) ed igl Alfons (1915) ein en la casa da sogn Vigeli a Sedrun. Ils ulteriurs fargliuns ein morts.



Il Leci Antoni HENDRY (1884–1953) ha maridau Maria Ursula Monn (1891–1966). Ils consorts ein semess en la casa sper la vietta encunter Visum ch'ei baghegiada igl onn 1801. Las autras casas sut sontg Antoni ein tuttas pli veglias. La casa s'auda als affons ledis dil Leci Antoni.

Gonda/Sedrun

Sisum Gonda, osum il Drun ei Johann Anton Alois HENDRY (1877–1941), il Luis calger, secasaus. En tschaler ha el giu siu luvratori. Giochin Hendry (1920) habitescha lien.

Camischolas

A Camischolas, entadem il vitg, davart sut sper il stradun ei la Maria Margheta HENDRY (1871–1911) semessa en cun il Hans Giachen Berther (1867–1930). La casa s' auda oz a fegl Robert Berther (1948).

Rueras

La Maria Ursula HENDRY (1869–1952) ha maridau Gion Fidel Berther (1859–1931) a Rueras, da lezzas uras ella davosa casa sut la via che traversa il vischinadi anora. La casa s'auda a Francestg Berther (1906) ed a ses vegnentsuenter, ina casa ch'ei rugalada ora da niev e che ha bials balcuns.



Ella casa ual dasperas ei la Onna Maria HENDRY (1888–1960) stada, ella che ha maridau il Rest Antoni Caduff (1878–1921). La casa appartegn a Barla Caduff-Berther (1922).

Selva



La Maria HENDRY (1874–1958) dil Plaun sogn Leci ei ida a star a Selva ed ha maridau il stalter Gion Antoni Peder (1866–1959). La casa paterna ei barschada giu igl onn 1949; quella ch'ins ha fatg si silsunter ha s'udiu ad Ignazi Peder (1911–1985). Ils artavels han vendiu ella ad jasters.